



Scena ord il film «Le vent tourne» che vegn mussaus questa sera ell'Academia Vivian.

MAD

## Nova stagiun dil Cinema d'uaul

■ (anr/hh) Il Cinema d'uaul da questa stad ell'Academia Vivian a Medel/Stagias porscha danovamein ina retscha d'interessants films. La partenza vegn fatga questa sera cun «Le vent tourne», ina produziun svizra digl onn 2018. Idilla el Giura: Pauline ed Alex vivan sco els vulan. Els fan quei en in menaschi lunsch naven dil proxim vitg e produceschan quei ch'els drovan da viver. Lur carezia, lur ideals e la lavur colligian els. Per esser propi independents vegn igl inschignier Samuel tier els per installar ina turbina da vent. Nunspitgadamein vegnan ils sentiments da carezia da Pauline en moviment ed aschia era sia vesta sil mund.

Bar d'uaul e grill naven dallas 19.00. Shuttlebus (tschun francs per viadi) naven da Mustér/Saplauna-Curaglia-Stagias sin preannunzia per info@agricultura.ch ni 081 936 48 00. Partenza allas 19.15. Collecta pil film.

## AUGURIS

**Gratulaziun a Vrin:** Nus giavischein a ti, Rudolf Caminada, tut il bien sin tiu 70. natalazi enta Cons/Vrin. Arva ina buna butteglia e fai in bi viva per tia fiasta.

reclama



**Topaktuell**  
von Montag  
bis Freitag

**Nachrichten**  
näher an  
Ihrer Region

Das Nachrichtenmagazin  
«SO informiert» ab 18 Uhr  
auf TV Südostschweiz.



**AGID SVIZZER PER LA MUNTOGNA**  
TEL. 01/712 60 60 FAX 01/712 60 50  
www.berghilfe.ch info@berghilfe.ch



**SCHWEIZER BERGHILFE**

AIDE SUISSE AUX MONTAGNARDS  
AIUTO SVIZZERO AI MONTANARI

# Igl εμπrem «Mund romontsch»

Barla Colucello prepara il festival romontsch a Flem

DAD AUGUSTIN BEELI / ANR

■ Las vacanzas da stad han entschiet. Per biars eis ei in temps dil serecrear e star a sulegl. Per quei ha Barla Colucello buca peda. Ella organischa ils detagls dil «Mund romontsch» ch'ei ils 13 e 14 da settember a Flem. La vischnaunca da Flem dat officialmeins pauc, fetg pauc, al lungatg romontsch. Facticamein vegn discurriu aunc bia romontsch a Flem, denton officialmeins exista il lungatg oriund buca pli. La Cuminonza romontscha da Flem (CRF) dat denton ina cunterpeisa a quella ignoranza. Adina puspei sestenta ella ch'il lungatg da Gian Fontana anfi tuttina aunc in cert plaz ella publicitad. Quei accentuescha era la Senda romontscha inaugurada dacuort e renovada cun sustegn ed iniziativa dalla CRF. Vent ellas allas da quell'uniun locala da Flem dat actualmeins il project «Mund romontsch».

### Il stausch decisiv

Barla Colucello, oriunda da Lumbrein, ei ina dunna engaschada da 34 onns. Treis gis ad jamna eis ella a Winterthur nua ch'ella lavura sco assistenta sociala. Dasperas absolve ella ina scolaziun complementara alla professiun cugl accent sigl'accumpnar giuvenils. Era en sia patria grischuna eis ella involvida en projects e lavurs. Tier la Ligia Romontscha eis ella assistenta da Gianna Olinda Cadonau che prepara il giubileum da 100 onns a Zuoz. Colucello ha denton aunc in tierz project che brischa. Ina causa dil cor ei il «Mund romontsch». Ei setracta d'in festival romontsch a Flem. Egl impurtont liug da vacanzas vegn il lungatg romontsch ad esser el center duront dus gis, e quei vendergis, ils 13 e sonda, ils 14 da settember 2019. «Nies motto ei clars: promover il romontsch», declara l'inizianta ed organisatura Colucello el discuors cull'anr.

Il stausch decisiv dad instradar a Flem igl'emprem festival dil romontsch derivi digl ustier dil Livingruhm, tradescha ella. Björn Günni vegn da Hamburg, el seigi in grond amator dil romontsch e da sia cultura, sa Barla. Gia differentas gadas ha



Barla Colucello sa buca far vacanzas, actualmeins fatschentant treis projects ella. Il «Mund romontsch» a Flem ei causa dil cor.

FOTO A. BEELI

Günni envidau en siu local musicists, cantaduras e cantadurs romontschs. Pascal Gamboni, Fiona Cavegn, Bibi Vaplan, Rees Coray ed auters han gia sunau e cantau leu e saviu perschader dil scharm che quei local ha.

### In program per pign e grond

L'atmosfera da concert ell'antieriura garascha ei unica. Situada amiez il vitg, denter Center Stenna ed il Vitg sura, eis ei in liug discret, ina truvaglia per hosps ed indigens. «Buca memia grond, e buca memia pign per nies mund romontsch», manegia l'organisatura. Ensem cull'assistenta Yvonne Gienal ha Colucello preparau in program da dus gis. Il festival «Mund romontsch» sedrezza a pign e grond, avon e suenter il gentar. Per pigns e pignets vegni endrizzau ina meisa da zambergiar, vinavon vegnan els a saver tedlar ina historia legra dalla famiglia Ba-

bulin. Il program ei daferton semtgaus e planisau. L'avertura dil festival ei il vendergis, ils 13 da settember allas 16.00 Lu dat ei in εμπrem «crashkurs», in cuors introductiv els εμπrens plaids romontschs. Quel senumna «per gassas e streglias – laufend romanisch lernen». Igl ei in modul che David Flepp ha sviluppuau. Lu dat ei prelecziuns litteraras, musica cun Luis Coray e Pascal Gamboni e dina performance da Fiona Cavegn.

Ils da Flem vegnan ad imprendere d'enconuscher ina Romontschia creativa ed activa. La sonda, ils 14 da settember, cuntinescha il festival el Livingruhm a Flem. Suenten in'animaziun cul cudisch d'affons «La famiglia Babulin» ed in ulterier crashkurs «Per gassas e streglias» cun Alice Bertogg dat ei in spitachel divergent cull'actura Marina Blumenthal. Gianna Olinda Cadonau vegn a preleger, ei dat in «free mic», pia il microfon ei

aviarts per produziuns libras. Il final ei la sonda sera naven dallas 18.00. Lu seppresenta Chiara Jacomet cun text e musica. Tumasch è Thomas Cathomen e Dario Hess vegnan a presentar il potenzial e scazi cultural dalla giuvna generaziun romontscha. Ils da Flem da lungatg tudestg astgan senz'alter vegnir scuidus. Evidentamein astgan els sepparticipar ed esser loschs da quei scazi dalla region.

Il preventiv dil festival «Mund romontsch» a Flem ei limitaus. Colucello ei ottimistica ch'ei gartegia da finanziar l'occurranza. Denton schar aviert vul ella buca tut. Per quei han ella ed Yvonne Gienal lantschau ina rimnada crowdfunding silla plattafuorma www.lokalhelden.ch/festival-mund-romontsch.

**Tgi che vul sepparticipar e sustener la bun'idea e l'iniziativa da Barla Colucello pil festival a Flem ei beinvegnius cun ina pintga ni gronda donaziun en favur dil «Mund romontsch».**

# La roschada gronda ei sistida

La fusiun dils quater cudischs funsils sursilvans ei sulet vegnida discutada

DAD ANDREAS CADONAU / ANR

■ In'expertisa independenta ha examinau la situaziun futura dils quater cudischs funsils sursilvans e skizzau propostas futuras. Denter auter ina fusiun centralisada a Glion. Pil mument resta bunamein tut sco entochen dacheu. Sulet la vischnaunca da Breil ha en connex cun la fusiun communal stuiu decider. Pliras variantas pertuccon il futur dils cudischs funsils sursilvans ein stadas sin meisa. Variantas skizzadas dad in'expertisa elavurada en incumbenza dallas vischnauncas purtadras dils quater uffecis funsils sursilvans. Ei setracta dils cudischs funsils Glion/Lumnezia, Cadi, Sursaiusa Mundaun e Val. Sco quei ch'il menader dil cudisch funsil da Glion/Lumnezia, David Huonder, ha explicau hagi la situaziun dalla vischnaunca da Breil intimau las ulterieras vischnauncas da discussiunar igl avegnir dils cudischs funsils en Surselva. Ina vischnaunca sa numnadamein mo fa part dad in cudisch funsil e las anterieras vischnauncas da Vuorz ed Andist eran part dil cudisch funsil Glion/Lumnezia ferton che Breil apparteneva al cudisch funsil Cadi. Huonder ha explicau plinavon che l'expertisa hagi analisau e concretisau avantatgs e disavantatgs da pliras variantas dad ina collaboraziun futura dils cudischs funsils sursilvans. Per il cudisch funsil Glion/Lumnezia e sias vi-

vischnauncas purtadras ei la varianta cun in cudisch funsil sursilvan a Glion stada la suletta varianta ch'empermetta ina soluziun durabla. Sco quei che Huonder ha accentau fuss il cudisch funsil Glion/Lumnezia staus promts da serrar sia filiala a Vella e medemamein porscher il survetsch per la Lumnezia da Glion anora. La varianta da centralisar il cudischs funsils a Glion ha denton buca cattau il sustegn politic, principalmeins buc ellas vischnaunca dalla Cadi. Aschia che la vischnaunca da Breil ei stada sfurzada da sedecider per ina ni l'otra varianta e quei sin la fin zercladur. E la suprazion communal ei sedecidida da sepparticipar al cudisch funsil Glion/Lumnezia sco igl ei stau d'intervegnir dacuort.

### Ina decisiun politica

Il president communal dalla vischnaunca da Breil, Clau Schlosser, ha tschintschau dad ina decisiun politica pertuccon la commembranza futura da sia vischnaunca al cudisch funsil Glion/Lumnezia. El vesa in survetsch dil cudisch funsil da Glion anora per pli d'engrau alla populaziun dalla vischnaunca da Breil che seigi pli fetg drizzada viers il center da Glion che viers la capitala dalla Cadi. Las vischnauncas purtadras ein partecipadas al gudogn ni tenor situaziun era alla sperdita dils cudischs funsils. En quei grau ei la varianta da Glion bein pli interessanta per

la vischnaunca da Breil. Schlosser ha denton accentuau che las finanzas hagian buca giugau la rolla principala ellas ponderaziuns ed ella decisiun dalla suprazion communal da Breil. Dalla vart dil cudisch funsil dalla Cadi deploreschan ins la decisiun da Breil, sco quei ch'il menader dil cudisch funsil, Marcel Soliva, ha dau d'entellir. Denter ina tiarza ed ina quarta dil volumen da fatschenta piarda il cudisch funsil dalla Cadi entras la dislocaziun dalla vischnaunca da Breil. «Nus perdin ina da nossas treis petgas.» Cun petgas ha Soliva manegiau ils centers turistics dalla Cadi che contribueschan essenzialmeins alla sviulta dil cudisch funsil. Era Soliva ha tschintschau dad ina decisiun politica dallas vischnauncas dalla Cadi da vuler mantener il survetsch dil cudisch funsil a Mustér. Ed el ha aunc menziunau investiziuns succedidas avon diesch onns egl edificati che dat suttegg ad cudisch funsil. Il menader dil cudisch funsil Cadi ei denton pertscharts che sia instituziun sto serestrenscher per evitar cefras cotschnas senza la fatschenta da Breil. Soliva ha discurriu da reducir personal ed ha fatg attent a sia atgna pensiu che stat avon porta. Tschercar personal qualificau ei ina sfida per il cudischs funsils ed il tgamun basegna in'aschinunada patenta per astgar exequir igl uffeci. Soliva ha tschintschau dad ina soluziun intermediara per il dus onns suenter sia pensiu cun surdar il tga-

mun all'atgna consorta che possedi medemamein la patenta per menar in cudisch funsil. Soliva ei denton pertscharts ch'ils responsabls ston sligiar il problem da sia successiun a liunga vesta.

### Sursaiusa sto agir

Medemamein avon la pensiu stat il menader dil cudisch funsil dalla vischnaunca Sursaiusa Mundaun. Il president communal Ernst Sax ha concediu che la vischnaunca stoppi definir ina soluziun per igl avegnir da siu cudisch funsil sin il pli tard igl onn 2021. Installar in successur pil menader partent ei era ord vesta dalla munconza da personal qualificau strusch in'opziun. Aschia che l'egliada dil president communal da Sursaiusa Mundaun sedrezza viers Glion quei che pertucca igl agen cudisch funsil suenter igl onn 2021. Ton soluziuns urgentas sto la vischnaunca da Val buc anflar per siu cudisch funsil, sco quei ch'il president communal Stefan Schmid ha concediu. Lur menader dil cudisch funsil lavura parzialmeins per l'administraziun communal e stat aunc varga in decenni avon la pensiu. Schmid ha getg che sulet la cumbinaziun da lavur cun l'administraziun communal impedeschi deficits digl agen cudisch funsil. A liunga vesta ei, tenor Schmid, ina soluziun communal dil survetsch dil cudisch funsil en Surselva probablamein la suletta opziun.